

պոսն , (1815 . 'ի 1 Դեկտեմբերի) : Սա հետեւեցաւ հանել 'ի Դրանէ զհրովարտակն Եփրեմ Կաթուղիկոսին Էջմիածնի , այլ գթուարանայր , զի յաւուրս նախորդին իւրոյ կնճռեալ էր խնդիրն : Վասն բռնութեան Կուսակալին Դամասկոսի յառաջագոյն մատուցին գիր սղաջանաց 'ի Դուռն Փաշայի , այլ օգտեցան և ոչ ինչ , և ապա մատուցին առ Արքայ , և 'ի սոյն աւուրս գտաւ 'ի դիւանս արձանագրութիւն հին հրովարտակին վասն այնր տրոց , և սկսան հետեւիլ կարգաւորել զայն գործ : Պօղոս Պատրիարք կամեցաւ դարձուցանել գառաջնորդութիւն Կիպրոսի 'ի վերայ Երուսաղէմի , որոյ և զհրովարտակն էաւ , և խոստանայր օրինաբար և տալ միշտ յիշել 'ի Պէրաթն Պատրիարքաց Երուսաղէմի , որպէս յառաջագոյն Յովակիմ Պատրիարք խնդրեալ էր 'ի Զաքարիայ Պատրիարքէ Կաղզվանցոյ , գրելով առ Սարգիս փոխանորդ իւր 'ի Կոստանդինուպօլիս :

Ակնցի , Կարնցի և Վանցի ուխտաւորք դարձ արարեալ յԵրուսաղէմէ 'ի հայրենիս իւրեանց , հասին 'ի կողմանս Մեղիկնոյ Հայոց . յափշտակեցան 'ի Ռշառն կոչեցեալ Գիւրտցէղէ , ընդ որս էր և Թորոս վարդապետ Նուիրակ Ակնայ , որոց վաստքն հաշուեցան 48,000 դահեկան , (1817) :

Այլազգիք Սիոնի ճանապարհ արարեալ էին 'ի վանաց Ս . Հրեշտակապետի , յորոց հասանէր չարիք և վնաս մայրապետաց և միաբանաց , Հայք քննութեամբ եւ Արքունի հրովարտակաւ եղին փականս միոյ դրան և աղխէին զայն , և յաւուրս Թէոդորոսի վերստին սկսան այլազգիք անցանել անտի եւ ստիպէին թողուլ բաց զԴուռն զայն , այլ Թէոդորոս ետ նորոգել զհրովարտակն եւ արգել օրինօք Դատարանի զբռնութիւնս նոցա : Դարձեալ վէճ Յունաց ընդ Հայոց վասն երկց հետեւակաց , որք են Հապէշք , Դըպթիք եւ Ատրիք . եւ 'ի ինել քննութեան 'ի Դատարանի ընթերցան զվաւերական գրեանս Հայոց , և արգելին ըզՅոյնս 'ի հակառակութենէ , և Դատաւորն գրեալ ծանոյց 'ի Դուռն , (1817) :

Իսկ Թէոդորոս Պատրիարք Երուսաղէմի , որ տարաւ բազմադիմի վշտաց և համբեր դառն նեղութեանց և տառապանաց իւրոյ անբարի ժամանակին , հասեալ 'ի բարւոք ծերութիւն , ալեւորեալ լի աւուրքք , հանդեաւ խաղաղու-